

CONCLUSIONES  
 PHILOSOPHICÆ  
 PUBLICÆ DISPUTATIONI EXPOSITÆ  
 A' CLERICIS REGVLARIBVS  
 SUB FAUSTISSIMIS AUSPICIIS  
 SERENISS. AC REVERENDISS. PRINCIPIS  
 FRANC.<sup>SCI</sup> MARIAE  
 AB HETRVRIA  
 SANCTÆ ROMANÆ ECCLESIAE  
 CARDINALIS AMPLISSIMI



FLORENTIÆ. MDCIC.

---

Typis Vincentij Vangelisti Archiepiscopalis Typographi.  
 SUPERIORUM LICENTIA.

CONCLUSIONES  
 PHILOSOPHICAE  
 A CLERICIS REGIARIBUS  
 FRANC<sup>SCI</sup> MARIAE  
 ABHETRIA  
 SANCTE ROMANE ECCLESIE  
 CARDINALIS AULESSIMI



FLORENTIE. MDCL

Typis Vincentij Vangelii in Archiducibus palat. typographi.  
 SUPERIORUM LICENTIA.



SERENISS. ET REVERENDISS.

PRINCEPS.

**E**litudini Tuæ, Serenissime,  
Princeps hæc nuncupatur Phi-  
losophia; Scientiarum quippè  
Regina, Regium exigit Mæce-  
natem; Inter Regios Mæcena-  
tes Purpuratum, inter Purpuratos Medi-  
ecum! Quare tua censeatur (si culpa ta-  
men est securum precari patrociniū) sui  
propugnatoris audacia, Debebat quæ sita

protectione defendi, qui de sua imbecillitate securus propria sese virtute tueri non potest, nec alia, quam tua, qui cum nihil nisi regium geras in sanguine, nihil nisi augustum spondes in opere; Neminem adire securius; Neminem tutius rogare poteram, Ea enim polles animi liberalitate, ut videaris beneficium accipere, cum rogaris conferre; Immò ferè numquam rogatus confers; haud ignorans beneficii medietatem amittere quisquis beneficia non elargitur nisi rogatus. Vendere est enim potius, quam donare solis precantibus beneficia impertiri. Augustum igitur patrocini-um tuum non mihi superest rogandi locus, ut tibi supersit facultas talem erga me esse, qualem te omnibus exhibes. A nemine rogari pateris, ut ediscat unusquisque a tuo regali solio prius impetrantes dimittere, quam ad tuos augustos pedes rogantes admittere. Huicmodi sanè debebantur tuo excelssimo animo doctores, ut Regni Sanguinis nobilitati qua splendes, coequarentur. Talis est lux Serenissimæ Propaginis Tuæ, cui tamquam pulcherri-

v

mæ basi virtutum tuarum innituntur Tro-  
 phæa, ut & præterita coronata gloria in  
 fama, & per antiquis fastis cuique sit obvia,  
 & adhuc quæ conspiciuntur decora inter  
 præcipua Europæ Sceptra, Orbisque totius  
 Diademata fulgeant. Breviter hoc tantum  
 de te dicam, & totum dicam; Par est Vir-  
 tus sublimis tua Regali propagini tuæ, &  
 Virtuti tuæ eminentissimæ par augusta  
 propago. Quamvis autem, & regii san-  
 guinis gloria, & ornatissimi proprii animi  
 dotibus, vitæque probitate excelleres, ea  
 tamen simul modestia præfulges, ut ad  
 Purpuratam Ecclesiastici Orbis dignita-  
 tem vocatus non renueres accedere. In  
 hoc honoris fastigio ita eluces, ut Ecclesia  
 tota libens fateatur tali se gaudere Purpu-  
 rato, ut dum te habet lectissimos unde-  
 quaque Vaticani solii cardines præteritis  
 sæculis non inuideat; Tanta, ac talis est  
 Serenissimi Tui Sanguinis, Animique Cel-  
 situdo, ut Ecclesiasticæ dignitatis apex  
 Eminentissimum non fecerit, sed adinve-  
 nerit. Quamvis Ecclesiasticæ Purpuræ  
 tantus sit fulgor ut etiam proprio caren-

tes lumine undequaque repleat Maiestatis  
splendore, sic tamen te afficit Ostrum illud,  
ut pro lumine, quod tibi communicat ma-  
gna claritatis usura, maiores à Serenissimis  
Tuis radiis splendores recipiat. Hæc pau-  
ca dixi non ut importunus modestiæ Tuæ  
laudator in exornandis excelsissimi ani-  
mi Tui dotibus me implicem, sed ut osten-  
dam accessus mei ad solium tuum teme-  
ritati præcavisse, & non immerito apud  
Celsitudinem Tuam Serenissimam Philo-  
sophiæ meæ patrocinium consequi ex-  
optasse. Tui enim augusti hominis præ-  
munita radiis, hostilia quæcumque tela  
retundet, & victricem palmam securæ  
expectatione sibi pollicetur. Vive aurea,  
& æterna sæcula ad Urbis, Orbisque to-  
tius fælicitatem.

**Celsitudinis Tuæ Serenissimæ**

*Humill. Obsequentijs. atq; Addicti. S. Servus*  
*Joseph Maria Zini; Cler. Reg.*



## EX LOGICA.

### I.

**D**atur Logica artificialis, quæ licet dividatur in Docentem, & Utentem, nihilominus habitus Logicæ docentis non est realiter distinctus ab habitu Logicæ utentis.

### II.

Hanc Logicam Scientiam esse arbitramur non speculativam, sed practicam, necessariam quidem secundum quid ad alias Scientias comparandas tam in statu perfectò, quam imperfectò; non autem necessariam simpliciter ad illas adipiscendas in statu imperfectò, immò neque in statu perfectò.

### III.

Pro objecto materiali Logicæ non res, neque voces, sed operationes Intellectus, pro formali verò earundem operationum dirigibilitatem, sive rectitudinem, ut inducibilem in operationes statuimus; ita ut operationes Intellectus ut dirigibiles sint objectum attributionis Logicæ.

### IV.

Inter gradus Metaphysicos eiusdem entitatis non datur distinctio formalis ex natura rei media inter realem, & rationis, datur quidem distinctio virtualis, quapropter non dissentimur ab admittentibus præcisiones objectivas inter gradus Metaphysicos eiusdem Physicæ entitatis.

### V.

Nullum universale formale, sive Platonicum extrà singularia, sive Scotisticum inclusum in singularibus, sive etiam per  
▲ indit.

2  
indifferentiam admittimus; dicimus tamen naturam posse  
universalitatem fieri per actum absolutum, & abstractivum In-  
tellectus illam præcipientem obiectivè à singularibus.

#### VI.

Universale in actuali prædicatione suam retinet universalita-  
tem; item natura ab unico individuo obiectivè præcisa est  
universalis.

#### VII.

Universale ut sic dividitur in quinque prædicabilia, genus,  
speciem, differentiam, proprium, & accidens, respectu  
quorum se habet tamquam genus; definitionem generis com-  
muniter acceptam, quæ est unum aptum ad prædicari de  
pluribus differentibus specie in quid tamquam rectam defi-  
nitionem admittimus.

#### VIII.

Nec genus requirit plures species, nec species plura indivi-  
dua actualia, licet tamen genus plures species possibiles, quam  
species plura individua, prout sunt universale Logicum,  
& Metaphysicum requirant.

#### IX.

Differentiæ Superiores non includuntur formaliter in inferio-  
ribus; individua autem inter se differunt in ratione indivi-  
dualitatis, ut dari nequeat conceptus communis univocus omni-  
bus applicabilis, nec ulla ratio communis, in qua conveniant.

#### X.

Datur relatio prædicamentalis realis, quæ tamen, neque cum  
fundamento adæquate identificatur, neque est accidens à  
fundamento distinctum; neque est modus superadditus ex-  
tremis, sed nihil aliud est nisi ipsum fundamentum, ter-  
minus, & ratio fundandi.

#### XI.

Veritas propositionis non est quædam relatio rationis scilicet ab  
Intel-



Intellectu reflectente supra actum iudicii, illumque compa-  
rante ad obiectum, neque est aliqua relatio realis prædi-  
camentalis superaddita ipsi actui, sed veritas consistit in  
ipso actu iudicii, & in obiecto se habente, sicuti ab actu  
iudicii representatur.

**XII.** **Propositio vera de obiecto contingenti, si importet tempus**  
determinatum transire nequit in falsam, & contra falsa  
transire nequit in veram; si autem importet tempus inde-  
terminatum, tunc de falsa in veram, & de vera in falsam  
mutari posse censemus. Propositiones autem de futuro con-  
tingenti sunt determinate veræ, vel falsæ.

**XIII.** **Premisse non influunt effective physice in conclusionem, be-**  
ne quidem effective moraliter a positis autem assensibus ha-  
rum præmissarum, licet Intellectus necessitetur necessitate  
specificationis ad assensum Conclusionis eliciendum, non  
tamen necessitetur necessitate exercitij.

**XIV.** **Quando Intellectus assentitur Conclusioni, attingit aliquo pa-**  
cto obiectum præmissarum. Demonstrationis præmissæ licet  
debeant esse veræ, non est tamen necesse, quod sint verio-  
res Conclusioni.

**XV.** **Datur Scientia acquisita, quæ non est una simplex, & indi-**  
visibilis qualitas, sed est unus habitus totalis compositus ex  
pluribus habitibus partialibus illum integrantibus, qui ha-  
bitus sumit suam diversitatem specificam à diverso obiecto  
formali, non verò à diversa abstractione à materia. Actus  
autem Scientiæ non repugnat simul cum actu opinionis in  
eodem Intellectu circa idem obiectum, immò neque cum  
actu Fidei.

**EX**

# EX PHYSICA.



Physica scientia speculativa est, quæ tamquam obiectum, non ens Mobile, sed pro materiali corpus respicit, pro formali verò eiusdem corporis naturalitatem, ita ut corpus naturale, ut naturale est, sit huius Scientiæ attributionis obiectum.

Corpus naturale non constituitur ex atomis, sed principia eius intrinseca in facto esse sunt materia, & forma, in fieri etiam nullum aliud præter ista duo cognoscimus proprium, & rigorosum principium; privatio enim, etiam si sit de conceptu mutationis non per hoc dicenda est propriè & rigorosè mutationis, sed corporis naturalis principium.

## III.

Materiæ primæ, quæ est primum Subiectum uniuscuiusque &c. non revocatur in dubium existentia, sed de facto dari fatemur, hæc licet non dicat actum physicum, dicit tamen actum Metaphysicum, & entitativum proprium, immò etiam propriam existentiam, non enim istam à forma emendicat, præcipuè in nostra Sententia, in qua dicimus, quod existentia entis creati non est distincta realiter à re, nequè ut modus à re ab essentia actuali eiusdem entis, sed existentia, & essentia actualis sunt unum, & idem.

## IV.

Materia primà ad formas, quibus omnibus potest, saltem supernaturaliter spoliari dicit appetitum; ita tamen ut æqualiter appetat inæquales, non enim magis perfectas magis appetit, & etiam si concederetur formas corruptas non posse naturaliter reproduci, tamen etiam ad illas extendere-  
ret suum appetitum naturalem.

## V.

Dantur formæ Substantiales, quarum aliquæ creantur, aliquæ verò

verò nempe materiales, licet non præexistant in materia, neque secundum se totas, neque secundum aliquas ipsarum particulas, tamen educuntur de illius potentia; educit autem non sunt tota quidditas compositi; sed tamen materialis, quàm forma ad quidditatem compositi pertinentem.

## VI.

In Viventibus præter animam etiam formas substantiales partiales, & subordinatas admittimus. Plures formæ totales, sive similes, sive oppositæ licet naturaliter non possint eandem numero materiam informare, possunt tamen supernaturaliter; plures autem formas totales disparatas non solum supernaturaliter, sed etiam naturaliter posse eandem numero activare materiam defendimus.

## VII.

Materia, & forma absque unione quæ sit modus quidam superadditus ab illis distinctus adinvicem nequeuntur, & compositum constituunt, quod præter materiam, & formam, invicem communicatas, & collectivè sumptas nihil aliud importat; non enim est tertia aliqua entitas à materia, & forma simul sumptis distincta.

## VIII.

Inter causas, sive eiusdem, sive diversi generis physice influentes in effectum implicat mutua causalitas, secundum eandem rationem pro eodem instanti reali; non repugnat tamen eundem numero effectum non solum successivè, sed etiam simultaneè à duplici causa efficiente totali totaliter influente, produci.

## IX.

Actio, & passio non sunt entitates quædam distinctæ à causa, & effectu, unde tam effectus, qui essentialiter pendent ab hac numero causa, quàm illi qui contingentè sunt potius ab hac, quàm ab illa causa, producantur sine actione superaddita causæ, & ipsimet effectibus.

## A 3

Neque

Neque implicat accidens, ut causam instrumentalem produ-  
cere immediate substantiam, neque implicat substantiam  
creatam esse immediate productivam, & accidentium, &  
alterius Substantiæ.

**XI.**  
Datur in Creaturis potentia obedientialis, per quam dicimus  
posse creaturam elevari ad creandum, immo dicimus esse  
possibilem Creaturam, cui competit naturaliter facultas  
creandi aliquid ens.

**XII.**  
Deus concurret immediate cum causis secundis ad operandum,  
ad actus liberos naturales causarum secundarum, non con-  
curret præmotione physica, sed concursu simultaneo, indis-  
tincto secundum se, & tunc ad actus bonos, quàm ad malos  
liberos, ad quos licet concurret, non per hoc dicitur, ne-  
que quod dicit potest nullo modo auctor peccati.

**XIII.**  
Infinitum Categorematicum tam in quantitate continua, quàm  
in quantitate discreta repugnat, sicut etiam Creatura omni-  
nium possibilem perfectissima.

**XIV.**  
Quantitas, cuius essentia consistit in extraneitate partium ex-  
tra partes, non est accidens realiter distinctum a re quan-  
ta. Continuum non coalescit ex partibus in infinitum di-  
visibilibus, sed ex punctis finitis indivisibilibus.

**XV.**  
Res est in loco absque unctione sibi, & loco superaddita,  
sicut etiam est in tempore absque duratione sibi, & tempo-  
ri superaddita, verum licet nullum ex modis superadditis  
admittamus, ut patet ex hoc, & alijs expositis assertis, ta-  
men, quia contrariæ sententiæ quæ illos admittunt, non  
carent

carent sua probabilitate, ideo non recusamus satisfacere,  
obiectis quæ adduci possunt contrà opiniones propugnantes  
dari unionem superadditam inter materiam, & formas;  
actionem inter causam, & effectus non essentialiter ab illa  
dependentes, ubi actionem, & durationem superadditas rebus  
in loco, & tempore existentibus.

#### XVI.

Plura corpora esse naturaliter in eodem loco implicat, licet  
non implicet supernaturaliter; item idem corpus nequit esse  
naturaliter in duplici loco adæquato, licet possit superna-  
turaliter etiam circumscribere.

#### XVII.

Natura ita abhorret à vacuo, ut naturaliter saltem ad lon-  
gum tempus repugnet; supernaturaliter potest dari, in quo  
casu non repugnaret in illo motus localis.

### DE COELO ET MUNDO.



Undus est compages ex Cælo, & Terra coagmenta-  
ta: licet plures esse possint Mundi tamen de facto  
est unus creatus à Deo in tempore, ita ut creari  
non potuerit ab æterno neque quoad entia perma-  
nentia, neque quoad successiva.

#### II.

Cælum nulla anima est animatum, constat tamen ex forma,  
& materia eiusdem speciei qua constant sublunaria. Cæli  
planetarum sunt fluidi, Cælum verò itellatum, seu firma-  
mentum est omnino solidum.

#### III.

Stellas fixas, & Planetas ita à Sole luminis incrementa mu-  
tuare, ut tamen ex se aliquid luminis possideant opinamur.

#### IV.

Sphæra est corpus solidum unica superficie comprehensum, ad quam ab uno intra figuram puncto, idest centro omnes rectæ lineæ ductæ sunt æquales; alia est naturalis; alia artificialis.

#### V.

Sphæra naturalis est tota cœlestis machina sphæricam figuram habens; Sphæra artificialis, quæ etiam materialis dicitur, est instrumentum astronomicum ad sphære cœlestis similitudinem efformatum, in quo quidquid in Cœlo imaginamur, sive circulos, sive polos per materiales circulos sibi invicem coherentes exhibetur ad rerum notitiam facilius comparandam.

#### VI.

Hæc Sphæra artificialis dividitur in Aratheam, & Armillarem; prima est globus undequaque solidus, in cuius extrema superficie omnia, quæ sunt in Cœlo, ac præcipue Stellæ fixæ describuntur; secunda est illa, quæ pluribus circulis ex solidiori aliqua materia factis interstincta totam primi mobilis doctrinam continet.

#### VII.

In hac Sphæra decem reperiuntur circuli sex maiores, qui secant totam sphæram in partes æquales, & sunt Æquator, Zodiacus, Meridianus, Colurus Solstitiorum, Colurus Æquinoctiorum, & Horizon; & quatuor minores, qui secant sphæram in partes inæquales, & sunt Tropicus Cancræ, Tropicus Capricorni, Circulus Articus, & Circulus Antarcticus.

#### VIII.

Poli sunt duo cardines ex diametro oppositi, seu duo puncta axem terminantia. Axis autem est linea quædam, quæ ab uno Mundi cardine, seu polo per centrum telluris transiens in alterum polum terminatur, circa quam totam Cœlorum machinam intelligimus circumvolvi. Zonar

## IX.

Zonæ sunt illa spatia, quæ reperiuntur inter unum, & alium circulum ex minoribus, cum autem isti circuli minores dividant Sphæram in quinque partes, quinque enumerantur Zonæ, quarum duæ sunt frigidæ, duæ temperatæ, & una torrida: quæ protenduntur à polis Mundi usque ad circulos Arcticum, & Antarcticum sunt frigidæ; quæ protenduntur, vel quæ mediant inter Circulos Polares, & Tropicos Cancri, & Capricorni constituunt duas Zonas temperatas; illa demum quæ protenditur à Tropico Cancri ad Tropicum Capricorni includens in medio æquatorem dicitur Zona torrida.

## EX LIBRIS DE ORTV, ET INTERITV.

## I.



**G**eneratio Substantialis est productio termini Substantialis cum dependentia à causa materiali; generatio quæ involvit mutationem non postulat formaliter terminum à quo positivum.

## II.

Terminus formalis ad quem conversionis non est necesse, quod producat, sed sufficit quod uniatur materiæ in conversione compositi; terminus formalis à quo respectu conversionis compositi non est necesse quod definat, sed sufficit quod separetur.

## III.

Terminus formalis à quo debet definere in conversione unius formæ in aliam; terminus totalis ad quem debet produci in conversione unius Substantiæ in aliam, terminus totalis à quo conversionis debet definere.

In cor-

IV.

In corruptione formæ Substantialis non datur resolutio usque ad materiam primam.

V.

Ens permanens corruptum ex intrinseca sua natura non repugnat naturaliter reproduci.

VI.

Intensio non consistit formaliter in maiori expulsionem contrarij, neque consistit in hoc quod collatur forma imperfecta, & alia perfectior educatur, neque in maiori radicatione qualitatibus in Subiecto, sed fit per additionem gradus ad gradus in eadem parte Subiecti; & hi gradus sunt homogenei.

VII.

Elementa sunt quatuor Ignis, Aer, Aqua, & Terra. Primæ quatuor qualitates sunt Calor, Frigus, Siccitas, & Humiditas; Ignis est calidus in summo, & siccus in gradu excellenti; Aer est humidus in summo, & calidus in excellenti; Aqua est frigida in summo, & humida in gradu excellenti; Terra est sicca in summo, & frigida in excellenti.

VIII.

Probabile est Sphæram ignis esse sub concavo Lunæ.

IX.

Elementa non sunt formaliter, sed virtualiter in mixtis.

X.

Raritas consistit in maiori dilatatione pororum, densitas vero in eorundem constrictione.





# EX LIBRIS DE ANIMA.



**I.** Anima est spiritus corporis physici organici potentia,  
vitam habentis; est triplex Vegetativa; Sensitiva,  
& Rationalis.

**II.** Omnes partes corporis solidæ, & principales sunt animatz;  
sanguis non est animatus.

**III.** Animæ omnes, sive brutorum perfectiorum, sive imperfecto-  
rum sunt divisibiles.

**IV.** In sensibus internis dantur species impressæ, quæ sunt vicariæ  
obiectorum; concurrunt enim loco obiecti in genere causæ  
effectivæ ad elicendas sensationes; huiusmodi species im-  
pressæ dantur etiam in sensibus externis, & præcipuè in  
potentia visiva.

**V.** Licet probabilissima sit Sententia Peripatetica; quæ admittit  
colores reales, tamen potest sustineri, quod color nihil aliud  
sit, quàm luminis reflexio.

**VI.** In homine non reperiuntur tres animæ realiter distinctæ; ne-  
que in generatione hominis datur animarum successio.

**VII.** Anima rationalis in homine non est forma purè assensens; sed  
forma informans, etiam prout rationalis.

**VIII.** Animæ ejusdem speciei sunt ejusdem perfectionis Substantiæ  
Potentiæ.

Potentia animæ rationalis tam inorganice, quam organice secundum id, quod dicunt ex parte animæ non distinguuntur realiter ab anima, nec inter se.

## X.

Intellectus ad efformandos suos actus Intellectionis utitur iisdem speciebus materialibus quibus utitur phantasia, unde per nos non datur Intellectus agens, cuius munus sit fabricare species spirituales, cum quibus postea concurrat Intellectus ad eliciendos actus spirituales.

## XI.

Intellectus consistit in verbo mentis producto ab Intellectu absque actione superaddita.

## EX ETHICA.



Thica est Scientia practica circa actiones humanas occupata; dividitur in Monasticam, Oeconomiam, & Politicam.

## II.

Actio humana est illa, quæ procedit ab homine, quatenus homo est: ad hoc ut actio humana sit bona tria necessario requiruntur bonitas obiecti, bonitas finis, & bonitas circumstantiarum.

## III.

Quælibet actio in individuo debet esse bona, vel mala simpliciter.

## IV.

Eadem actio non potest esse simul bona, & mala potest quidem eadem actio habere plures bonitates, vel malitias.

Volun-

V. *Voluntas non potest velle malum sub ratione mali, hanc potest pati violentiam in actibus imperatis, non vero in actibus elicitis; violentia causat involuntarium simpliciter, sicut etiam Ignorantia; Metus vero causat involuntarium secundum quid, non vero simpliciter.*

*Voluntas non potest velle malum sub ratione mali, hanc potest pati violentiam in actibus imperatis, non vero in actibus elicitis; violentia causat involuntarium simpliciter, sicut etiam Ignorantia; Metus vero causat involuntarium secundum quid, non vero simpliciter.*

*Passio est motus animæ sensitivæ per susceptionem boni, vel mali; undecim enumerantur passionibus; sex in appetitu concupiscibili, & quinque in irascibili; appetitus concupiscibilis passionibus, tres versantur circa bonum, tres circa malum; quæ versantur circa bonum sunt amor, qui versatur circa bonum, ut conveniens; Diderium, quod versatur circa bonum absens; Gaudium, quod versatur circa bonum præsens; quæ versantur circa malum sunt odium, quod versatur circa malum, ut disconveniens; Puga, quæ versatur circa malum absens; & tristitia quæ versatur circa malum præsens.*

*Passiones appetitus irascibilis duæ versantur circa bonum, sed consideratum ut arduum; aliz vero circa malum; quæ versantur circa bonum sunt Spes, & Desperatio; Spes versatur circa bonum arduum absens, & possibile ad illud accedendo; Desperatio vero, quæ spei opponitur versatur circa bonum ab illo recedendo propter apprehensionem summe difficultatis talis boni; Quæ versantur circa malum sunt timor, qui est passio de malo futuro; Audacia timori opposita, qua pericula quis aggreditur cum spe victoriæ; Ira, quæ est passio ex præsentia mali cum desiderio ulciscendi.*

*VIII. Virtus est perfectio potentie ad ultimum, vel optimum, vel est habitus bonus boni operativus dividitur in Intellectuales, & Morales; prima perficit Intellectum in ordine ad*

*Intellectuales, & Morales; prima perficit Intellectum in ordine ad ultimum, vel optimum, vel est habitus bonus boni operativus dividitur in Intellectuales, & Morales; prima perficit Intellectum in ordine ad*

cognitionem veri, altera perficit voluntatem in ordine ad boni prosecutionem.

**IX.** Virtutes Intellectuales sunt quinque; Intelligentia, Sapientia, Scientia, Prudentia, & Ars; Intelligentia est habitus perficiens Intellectum circa principia per se nota; Sapientia est notitia rerum præstantissimarum. Scientia est notitia rerum per causas certas, & evidentes; Prudentia est recta ratio agibilium, idest habitus rectificans rationem circa ea quæ sunt à nobis agenda; Ars est recta ratio factibilium, idest habitus rectificans mentem circa opera faciendâ.

**X.** Virtus Moralis quadruplex est, Prudentia, Iustitia, Fortitudo, & Temperantia; Prudentia iam est definita, hæc etiam inter virtutes morales numeratur, quia licet essentialiter sit Intellectualis, tamen secundum materiam est moralis; ordinatur enim ad rectam voluntatem; Iustitia est constans, & perpetua voluntas ius suum unicuique tribuendi; Fortitudo est virtus animum firmans ad pericula præcipue mortis subeunda; Temperantia est virtus moderans appetitum circa delectationes bonorum sensibilium.

## EX METAPHYSICA.



**Q**uestum Metaphysica est ens, ut ens, cuius entis non datur conceptus abstrahens à positivo, & negativo, reali, & rationis.

**II.** Datur conceptus entis realis, qui est univocæ communis nendum Substantiæ, & accidentis sed etiam Deo, & creaturæ.

**III.** Potest dari præcisio quæ non sit mutua, atque adeo licet ens præscindat à differentis, non bene inferatur ex hoc, quod etiam differentis præscindant ab illo. Utrum